



Universitätsbibliothek Paderborn

**Sancti Bonaventvræ Episcopi Cardinalis Albanensis,
Seraph. Doctoris Ecclesiæ, Speculum Disciplinæ, Et
Profectus Religiosorum: Libelli ad pietatem vtilissimi**

**Bernardus <de Bessa>
Bonaventura <Heiliger>**

Antverpiæ, 1591

De triplici inuidia. Cap. XXVIII.

[urn:nbn:de:hbz:466:1-53148](#)

expositi sumus pluribus periculis & æternæ
dānationi: & pluribus vitiis & peccatis onera-
ti & miseriis subiecti. Vnde ergo superbit ter-
ra & cinis homo tam vilis? Secundum est ex-
ercere se in humilibus operibus, vilibus & de-
spectis officiis, & rusticaniis laboribus: humili
habitu incedere, humiles mores & verba ha-
bere, locum nouissimum eligere, nihil iactan-
tiæ & ostentationis prætendere. Hæc & his si-
milia cùm in consuetudinem versa fuerint,
mentem ad humilitatem inclinant. Si autem
vana gloria vel superbia pulsat mentem, pro
huiusmodi humiliatione, hoc est, ex nouitate
vel raritate huius humiliationis iā per longum
vsum ista vanitas evanescit, ut legitur in Psal.
In Deo faciemus virtutem, & ipse ad nihilum ^{psalmus 144, 5, 6, 7}
deducet inimicos nostros. Tertium est quod
superiores & meliores se debet attendere tam
homines, quam ipsum Iesum Christū Deum
& hominem, ut eorum comparatione sibimet
vilescat homo, qui se aliquid esse putat, sicut
locusta ad gigantem; calculus ad mótem, gut-
ta ad flumen: & hoc tam in faciendo bona
quam patiendo aduersa. Pannosus garsio vile-
scit inter purpuratos: sic nos debiles in virtu-
tibus respectu maiorum & sanctorum, sive
ante nos fuerint sive nobiscum.

De triplici inuidia.

C A P. XXVII I.

IN V I D I A triplex est. Prima, non gau-
deire de bonis alterius, & non dolere de malis
eius. Et hoc est contra charitatem proximi,
quem tenemur diligere sicut nosmetipsoe:
cūm nemo de proprio bono nō gaudeat, vel de
malo nō dolear. Secunda est dolere & torque-
ti in bonis alterius, & gaudere & optare ma-
lum

lum eius ex odio personæ. Nam qui dolet de prosperitate temporali alicuius, vel gaudet de aduersitate eius, quia videt eidē expedire vel communi vtilitati aliorum, non ex odio personæ: non est inuidiæ deputandum. Sicut iustus iudex destruit malefactores, ne vel ipsi grauius damnentur si diutius in malis prospicentur, vel per eos pax communis turbetur.

Tertia est, insuper promouere malum alterius verbis & factis, & bonum impedire vel deprimere. Grauis inuidia est, malum pro malo reddere: Grauior autem odire illum qui nihil nocet tibi: Grauissima autem, malum pro bono restituere, vel odio habere aliquem quia bonus est, sicut Iudæi Christum. Item malum est aliquem lädere in rebus, vel honoribus, peius in corpore, pessimum autem imò diabolicum lädere & nocere alicui in anima quoad salutem æternam. Item negare indigentibus neficiū, peccatum est, licet sit inimicus: non impedire autem malum eius cùm possit, grauius. Perfectorum est bonum inimici diligere, & promouere etiam ex affectu. Quidam putant se innocentes si negant illis quos non diligunt salutationem suam: sed examinent se

^{Prou. 25, 28} quomodo esurienti inimico cibum ministrarent, si salutationem quam sine damno dare possunt, negant, maximè si desideret & affectet. Ideo autem inuidia vel odium Deo contraria sunt: quia singulariter charitati, quæ Deus est, opposita sunt, & commune bonum quod Dei largitas omnibus æqualiter creavit, inuidet: & eos odit quos Deus creavit & redemit & diligit, de quibus spes est quòd ad vitam æternam perueniant.

De